



Mua kumbusha lulengu mu bukula bua ciomba

**nCinyi cidi lulengu lua mu bukula bua ciomba
luenza mu mubidi wa muntu ?**

Padi muntu udia bukula bua ciomba cia bululu, cikena citalaja, udi mua kupeta ntatu idi ilonda eyi :

- Lulengu elu ludi mua kumulewula panyima pa didia. Dimukuata dialu padio didi ne bimanyinu ebi : kanyingunyingu, mutu usama, munda musama, diupa, diluka ne pamue apa lufu luine.
- Diteketa dia mikolo ta tuneke. Nenku, muntu mukuacike tuneke etu kena mua kuenda bimpe to; pamue apa kena nansha mua kuenda kabidi. Misangu mivule, tuneke etu tudi tukuata muntu ewu anu panyima pa mbingu kabukabu, pikalaye udia anu bintu bia muomumue matuku onso, kabidi muikale udia misangu ne misangu ciomba cidi kaciyi citalaja.

Cia kuenza ncinyi bua kumbusha lulengu mu bukula bua ciomba ?



1

Cia kuenza ncitekete :
Angata bukula bwudzi musue kulamba
nabu ciakudia.



2

Ubuele mu luesu anyi mu dilonga,
ubusekenkeje bua buikale budiadijemu bu
mayi. Pashishe, enze cimanyinu ku luesu
nansha ku dilonga ne lusongu lua kele, bua
wewe kuvuluka muaba udi bukula bushikidile.

3

Angata kabidi mayi
mimpe, uele mu
bukula, ku kakese ku
kakese, muikale uvundakaja too ne muabue-
lakanabio. Cipimu cia bukula buume (cileja ne
lusongu lua kele) ne cia bukula buela mayi
cishale anu cia muomumue. Bukula buonso
buikale bubolesha kudi mayi, cibi kabuenji
musabusabu, anyi kabuvungi mapudi to.



4

Ela bukula pa
nsengelu, pa
ciata nansha
pa cinto kampanda cionso cidi cibaalakane,
cikole ciocio eci cikale cia mankenda. Ela
bukula ne nkutu anyi ne cianza. Wenze bua
mupimbu wa bukula buadija kawupici pa bule
bia luzadi lua ku munu. Diba adio, teka
bukula pa munya meba abidi majima anyi
ubulame patalale meba atanu.



5

Ela mayi mu luesu. Padiwo atuadija
kusaba, welamu bukula bwudzi mulongolole
ebu bitulu bitulu ; too ne muashila ciakudia.
Kaidi bu mukavua bukula ebu bumane
kulenga mayi, mbimpe ukepeshe bungi bua
mayi a mu luesu, buikale bushadile ku bua
pa cibidilu.

6

Diba edi, ikala mujadike se : Udi mupete
ciakudia cimpe, cia kupesha bena nzubu
webe. Ciocio cisangisha ne bikuabo biakudia
bikumbaj; bia mishindu mishilangane,
kaciencia mua kulela tuneke to.